

ՀՈԳԵՎՈՐ ԱՆՎՅՈՒՆ

ՎԻՐԱՅԱՅՈՑ ԹԵՄԻ ԱՌԱՋՆՈՐԴԻ ԿԻՐԱԿՆՕՐՅԱ ՔԱՐՈՋՆԱՍՈՒԹՅՈՒՆԻՑ

ՍՈՒՐԲ ԴԱՏԱՐԱԳՆԵՐԻՆ ԶԱՎԱՏԱՅՅԱԼՆԵՐԻ ՄԱՆԱԿՅՈՒԹՅԱՆ ՃԻՇՏ ԿԱՐԳԸ



Անցած կիրակի՝ հուլիսի 31-ին, Թբիլիսիի Սուրբ Գեորգ առաջնորդանիստ եկեղեցում, Վիրահայոց թեմի առաջնորդ Տեր Կիրակոս վարդապետ Դավթյանը հանդես եկավ Սուրբ պատարագների հավատացյալների մասնակցության ճիշտ ձևի եւ կարգի մասին քարոզով:

...Մի անգամ սեղանի շուրջ, որտեղ ներկա էր նաեւ հոգեւորական, բաժակ բարձրացրին եկեղեցու պատվին: Անշուշտ, բոլորը խոսեցին իրենց Աստվածասեր ու Աստվածավախ լինելու մասին: Երբ մոտեցավ հոգեւորականի հերթը, նա ասաց, որ ուզում է բոլորին մի հարց ուղղել. «Արդյոք, դուք Աստծուն սիրո՞ւմ եք... ձեր կոշիկներից ավելի շատ»:

Բոլորը գայրացան եւ զարմացան, դիտողություն արեցին հոգեւորականին, թե ինչպես է իրեն թույլ տալիս Աստծու սերը համեմատել կոշիկների հետ: Հոգեւորականն իր հարցի էությունը այսպես պարզաբանեց.

- Ամեն առավոտ, տնից դուրս գալուց առաջ, ամեն մեկս մաքրում եմ, փայլեցնում մեր կոշիկները եւ այդ ընթացակարգին հատկացնում մի քանի րոպե: Բայց այդքան ժամանակ ամեն մեկս օրական արդյոք տրամադրում եմ Աստծուն: Ներկայներից ոչ մեկը ձայն չկարողացավ հանել: Եվ, իրոք, մենք անընդհատ խոսում ենք, որ Աստվածավախ եմ, առաջին քրիստոնյա ազգն եմ, ունենք հնագույն եկեղեցիներ ու տաճարներ: Բայց իրականում ոչ թե շաբաթվա ընթացքում ժամուկես, այլ օրվա մի քանի րոպե մույնիսկ, ցավոք, չենք կարողանում տրամադրել Աստծուն:

Դա նաեւ ապացուցվում է մեր առօրյա կյանքում. որեւէ մեկը, երբ ներկայանում էք ձեր երեխայի դպրոցի տնօրինությանը, նախօրոք մտածում եք, որ պատշաճ հագնված լինե՞ք եւ հարմար տեսքով ներկայանա՞ք: Բայց երբ գալիս եք եկեղեցի, մասնավորապես՝ առաջնորդ եք ներկայանալ «շորտերով, չստերով, սպորտային հագուստով»:

Եթե հարցնեն եկեղեցին ի՞նչ է, անմիջապես կպատասխանեք՝ Աստծու տուն է: Գալիս եք Աստծու առաջ կանգնելու եւ այդպե՞ս եք հագնվում:

Սուրբ պատարագը տեւում է ժամուկես, բայց գալիս եք ժամը 12:30-ին, վերջին 10 րոպեին եւ ասում, որ մասնակցել եք պատարագի: Դուք, սիրելիներս, պատարագին մասնակցելու չեք եկել, դուք ուղղակի եկել եք եկեղեցի: Պատարագի մասնակցել՝ նշանակում է եկեղեցի գնալ ժամը 11-ին, մասնակցել առավոտյան խոստովանությանը, այլ ոչ թե վերջին խոստովանությանը, որը շատ սխալ է, եւ մենք մեզ այդ սխալը թույլ ենք տալիս մինչեւ այսօր: Առավոտյան խոստովանությանը մասնակցելուց հետո միայն պետք է մասնակցել պատարագին՝ այդ ժամուկեսը նվիրելով Աստծուն: Մինչդեռ, գերակշիռ մասը այդպես չի վարվում, թեեւ պահը գալուս պես, ասում, որ եկեղեցապաշտ եւ Աստվածասեր է:

Երբ որդին, մեծ թե փոքր, ծնողի ասածը չի կատարում, կամ նրա ուզածով չի ապրում, չեն ասում վատ երեխա է, բայց երբ մոռանում է իր ծնողին, բանի տեղ չի դնում, այդ զավակի մասին ասում են՝ ինչ վատ զավակ է մեծանում:

Այդպես է նաեւ մեր որդեգրությունն Աստծուն: Եթե մենք մեր գործերով, մեր կյանքով անտեսում ենք Աստծուն, դա Աստծուն ուղղված հայիտյանք է համարվում: Եվ դրանից հետո, գալ եկեղեցի եւ ծնկաչոք աղոթել, ինչպես Քրիստոսն է ասել, գիտեցեք, այդ մեղքը չի ներվում:

Եկեք հասկանանք՝ ինչու այսօր մենք Թբիլիսիում ունենք երկու գործող եկեղեցի, եւ մույնիսկ տոն օրերին այդ եկեղեցիներ հաճախող հավատացյալների թիվը շատ քիչ է, մի եկեղեցին լցնել չենք կարող, մույնիսկ տոն օրերին: Եկեք ամեն մեկս մեզ ներքուստ հարց տանք՝ ինչո՞ւ ենք հաճախում եկեղեցի, եւ ինչո՞ւ են այդ եկեղեցիները գործում մեր սիրելի քաղաքում:

Թող Աստված մեզ բոլորիս ուժ, կարողություն եւ իմաստունություն տա, որպեսզի կարողանանք գիտակցել եկեղեցու կարեւորությունը, առաքելությունը, դերը մեր կյանքում, որպեսզի եկեղեցին մեր ընտանիքներում լինի՝ ոչ միայն ուրախ տոների՝ կնունքի, պսակի եւ, Աստված մի արասցե, դժբախտ օրերի, այլեւ միշտ:

Աստծու շնորհն ու խաղաղությունը բոլորիս այժմ, միշտ եւ հավիտյանս հավիտենից: Ամեն:

ԱՄԱՌ Է, ՇՈԳ Է...

ՈՐՈՇԵԼ ԵՔ ԶԱՆԳԱՏԱՆԱՂ ՆԱԽՕՐՈՔ ԶԱՎԱՔԵՔ ԿԼՈՐԻԿ ԳՈՒՄԱՐ

Պարենամթերքի առաջին սպառման ապրանքների, դեղերի, բենզինի եւ, մի խոսքով, մյուս անհրաժեշտ ապրանքների գների ավելացումը, բնականաբար, անմիջական ազդեցություն է գործում ամառային հանգստի համար հատկացվող միջոցների վրա: Ակնհայտ է, որ այն գումարը, որն ավելի քան բավարար էր նախորդ տարիներին ծովափին կամ լեռնային հանգստավայրերում ամառն անցկացնելու համար, այս տարի բավարար համարվել չի կարող:

ՈՐՔԱՆ ԿԱՐԺԵՆԱ ՆՈՐՄԱԼ ԶԱՆԳԱՏԱՆԱԼԸ

Փորձագետների համոզմամբ, արժեզրկումից բացի, կորոնավիրուսի համավարակի պայմաններում ներդրված սահմանափակումները լուրջ ազդեցություն գործեցին ոչ միայն զբոսաշրջության, այլ նաեւ հանգստացողների վրա: Այսօր զբոսաշրջության գործարարությունը նոր է սկսում աշխուժանալ, ինչը, բնականաբար, իր ազդեցությունն է գործում ծովափնյա եւ հանգստավայրային գոտու բնակարանների, հյուրանոցների, հասարակական սննդի օբյեկտների մատուցած ծառայությունների գների վրա: Այսպես, Արեւմտյան Վրաստանի Ունեկիից ոչ հեռու գտնվող Կապրավա մի փոքր գյուղում, եթե 2020 թվականին քրթեջում մեկ օրուգիչերվա գումարը կազմում էր 100 դոլար, ապա այսօր սահմանվել է 150 դոլարի սակագին:



է 4 հազարից մինչեւ 6000 լարի: Ինչ վերաբերում է հյուրանոցներում եռակի սնմամբ հանգստանալուն, ապա 13 օրուգիչերվա համար հարկ է վճարել 18 հազար լարի:

ԶԱՆԳԻՍԸ՝ ԴԱՇԲԱՇԻ ԿԻՐՈՒՄ

Եթե ինչ-ինչ պատճառներով, հանգստավայրերում կամ ծովափին հանգստանալը բացառվում է, ապա դուք կարող եք ձեզ թույլ տալ լիցքաթափվել Թբիլիսիից 90 կմ հեռավորության վրա գտնվող Դաշբաշում:

Այս օրերին լայն ժողովրդականություն ստացավ Ծալկայի մունիցիպալիտետի Դաշբաշի կիրճը՝ իր աղամանդե կամրջով: Այդ պաշտպանված գոտին մուտք գործելու համար, մեկ անձի տոմսն արժե 29 լարի: Եթե մտադիր եք ժամանց անցկացնել կիրճի տարածքում տեղակայված քրթեջներում, ապա պետք է ծախսեք օրական մոտ 150 դոլար: Գիշտ է, քրթեջները սահմանված են հինգ մարդու համար, եւ վերոնշյալ 150 դոլար գումարում սնվելը նկատի չի առնվում:

ԵՑԵ ԶՆԱՐԱՎՈՐՈՒԹՅՈՒՆՆԵՐԸ ՍՈՒՂ ԵՆ... ՁԵՁ ՍԻՐՈՎ ՍՊԱՍՈՒՄ Է ՓԱՐՎԱՆԱՅԻ ԱՓԱՄԵՐՁ ՓՈԿԱՆ



Առաջարկենք եւս մեկ, թվարկածներից թերեւս ամենամատչելի տարբերակը՝ հանգիստ Փարվանա լճի ափին, Թբիլիսիից 135 կմ հեռավորության վրա (երթուղային տաքսու ուղեվարձը Թբիլիսիից՝ 20 լարի): Սրբավայր, որտեղ իր առաջին կանգառն է գործել Վրաստանում քրիստոնեություն տարածած կապադոկիացի կույս Սուրբ Նինոն, եւ որտեղ այսօր գործում է Սուրբ Նինոյի անվան կանանց մենաստան:

Ենթակառուցվածքային տեսանկյունից, Վրաստանի այս եւս մեկ գեղատեսիլ վայրը զարգացման փուլում է: Այդուհանդերձ, մաքուր լեռնային օդը, բյուրեղյա ջուրը, առնորակ աղբյուրները եւ, իհարկե, Փարվանայի շատ համեղ ու հարուստ ձկան տեսականին ապահովված են, կան ու կան:

Պարզելու համար, թե ինչո՞վ է գրավիչ եւ, ընդհանրապես, ինչ արժե հանգիստը Փարվանա լճի ափամերձ տարածքում, «Վրաստանը» կապվեց Փոկայի գյուղապետ Վալերի Ավարդյանի հետ:

- Սկսեմ նրանից, որ Վրաստանի ամենամեծ Փարվանա լիճը գտնվում է Սամցխե-Ջավախթեթի տարածաշրջանի Նինոծմինդայի մունիցիպալիտետի Փոկա գյուղի մոտ, 2050 մ բարձրության վրա: Ուստի, եթե Թբիլիսում 35-38° տապ է, ապա մեզ մոտ՝ ջերմաստիճանը տատանվում է 25-27, իսկ երեկոյան մույնիսկ 13-15 աստիճանի սահմաններում: Փոկայում հյուրանոց չկա, փոխարենը կան հյուրատներ, որոնք կարող եք վարձել, եւ պատկերացրեք՝ ամբողջ հետաքրքրությունը հենց դրա մեջ է: Դուք, փաստորեն, իմաստով եք «պապենակալ», ավանդական, գյուղական տնակում, որի գոյության մասին, համոզված եմ, շատերը երազել եք: Նման տնակների ամսական վճարը 500 լարի է, ներառյալ՝ գյուղական անարատ նախաճաշը՝ ձու, կաթ, կարագ, պանիր մեղր... Սիրով սպասում ենք բոլորին:

ՀԱՐՑ - ՊԱՏՎԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ՍՈՑԻԱԼԱԿԱՆ

ԱՇԽԱՏԱՎԱՐՁՈՒՄ ԸՍՏ ԳՈՐԾՈՒՆԵՈՒԹՅԱՆ ՈԼՈՐՏԻ

Հեղափոխություն է Կրաստանում ըստ գործունեության ոլորտի աշխատավարձի վիճակագրական դասակարգում հրակայնացվել է թե՛ ոչ: Եթե այո, ապա ցանկալի կլիներ իմանալ, թե ո՞ր ոլորտներում է աշխատավարձը բարձր:



Ս.ՍԱՐԳՍՅԱՆ

ԲՈՒՆԻՍԻ

Նախ քան որ Կրաստանի ազգային վիճակագրական ծառայության տվյալներով, 2022 թվականի առաջին եռամսյակում Կրաստանում միջին ամսական անվանական աշխատավարձը, նախորդ տարվա համապատասխան ժամանակաշրջանի համեմատ, աճել է 15,1 տոկոսով՝ 190,3 լարիով եւ կազմել՝ 1 446,5 լարի:

Գերատեսչության տվյալներով, ըստ գործունեության տեսակի՝ համեմատաբար բարձր աշխատավարձ է գրանցվել հետևյալ ոլորտներում.

* ֆինանսական եւ ապահովագրական գործունեություն՝ 3 037,5 լարի,

* տեղեկատվություն եւ հաղորդակցություն՝ 2 339,9 լարի,

* մասնագիտական, գիտատեխնիկական գործունեություն՝ 1 963,5 լարի.

* լեռնահանքային արդյունաբերություն եւ քարհանքերի վերամշակում՝ 1 900 լարի,

* շինարարություն՝ 1 870,6 լարի:

Նույն տվյալների համաձայն, 2022 թվականի առաջին եռամսյակում համեմատաբար ցածր աշխատավարձ գրանցվել է հետևյալ ոլորտներում.

* կրթություն՝ 895,4 լարի,

* ջրամատակարարում, քափոնների կառավարման եւ վնասագերծման աշխատանքներ՝ 916,2 լարի,

* գյուղատնտեսություն, անտառային տնտեսություն եւ ձկնաբուծություն՝ 933,2 լարի,

* վարչական եւ օժանդակ սպասարկման գործունեություն՝ 1 034,5 լարի,

* բնակարանային հարմարությունների տրամադրման եւ սննդի մատակարարման գործունեություն՝ 1 045,5 լարի:

ԱՌՈՂՋԱԿԱՆ

ՃԱՐՊԱԿԱԼՈՒՄԸ ԴԱՐԻ ՀԻՎԱՆԴՈՒԹՅՈՒՆ



Վերջերս հեռուստատեսությամբ հաղորդում էր ճարպակալության վերաբերյալ: Նշվեց, որ ճարպակալումը այսօրվա դրությամբ համարվում է դարի ամենատարածված հիվանդությունը: Որքանով է դա իրական, եւ ինչպե՞ս կարելի է պայքարել ճարպակալության դեմ:

Ա.ՀԱՄԲԱՐՅԱՆ

ԹՔԻԼԻՍԻ

Իրոք, գլոբալ մասշտաբով անցկացված հետազոտության արդյունքներով, աշխարհի բնակչության շուրջ 60 տոկոսը տառապում է ավելորդ քաշից: Հատկանշական է, որ սույն ցուցանիշը նշանակալի ավելի բարձր է զարգացած երկրներում, իսկ զարգացող եւ առավել եւս թույլ զարգացման երկրներում այն չի գերազանցում 100 տոկոսը:

Ինչ վերաբերում է ճարպակալության դեմ պայքարին, ապա ամերիկացի գիտնականները պարզել են, որ օրական ոչ մեծ քանակությամբ ընկուզեղենի գործածումը կարող է նվազեցնել ճարպակալման զարգացման ռիսկը:

Այսպես, հետազոտության

հեղինակների պնդմամբ, դրական արդյունքի համար բավական է գործածել ընկուզեղենի օրական նորմայի կեսը, այսինքն՝ 14 գրամ: Նրանց թվում, ովքեր կանոնավոր կերպով օրական այդ քանակությամբ ընկուզեղեն են կերել, հինգ կիլոգրամից ավելի հավաքելու եւ ճարպակալմամբ հիվանդանալու ռիսկը նվազել է 23 տոկոսով, նրանց համեմատ, ովքեր դա չեն արել:

Հետազոտությունն ընդգրկել է գրեթե 300 հազար մարդու, որոնց վիճակը հսկել են ավելի քան 20 տարի: Գիտափորձի մասնակիցները տեղեկություն են տրամադրել իրենց քաշի, սննդաբաժնի, ակտիվ զործածման եւ ֆիզիկական ակտիվության մասին:

ԻՆՉՊԵՍ ԱՄՈԱՆԸ ԽՈՒՍԱԹԵԼ ՎԱՐԱԿԻՉ ՀԻՎԱՆԴՈՒԹՅՈՒՆՆԵՐԻՑ ԵՎ ՍՆԵՂԱՅԻՆ ԹՈՒՆԱՎՈՐՈՒՄՆԵՐԻՑ

Ամռանային շոգերը հասել են կիզակետին: Շատ հաճախ ջերմաչափի ցուցիչը անցնում է չորս տասնյակի շեմը: Ամռան ամիսներին բարձրանում է վարակիչ հիվանդությունների եւ սննդային թունավորումների առաջացման ու տարածման վտանգը: Ինչպե՞ս պաշտպանվել վարակիչ հիվանդություններից, ինչպե՞ս կանխել սննդային թունավորումները:

դեն, ձու, ձկնեղեն, թարմ ձկնկիթ, պահածոյացված սննդատեսակներ, կարկանդակներ, փքաբլիթներ, խորոված, քաբաբ եւ այլն,

* ընդհանրապես բացառել կրեմային հրուշակեղենի օգտագործումը, չզնել տեղում պատրաստվող լցնովի փափուկ պաղպաղակ, զովա-ցուցիչ ըմպելիքներ, կվաս, թարմ մրգերից պատրաստվող հյութեր,

* սննդամթերքը պահել փակ տարաներում՝ ճանճերի կողմից աղտոտումը կանխարգելելու նպատակով, ինչպես նաեւ՝ պատշաճ ջերմային պայմաններում,

* առանձնացնել հում սննդամթերքը եփածից, ինչպես նաեւ սննդի պատրաստման ժամանակ հում եւ պատրաստի մթերքի համար օգտագործել առանձին խոհարարական պարագաներ՝ դանակներ, փափեղեր, տախտակներ: Շատ կարելի է հետեւել, որպեսզի մսամթերքից եւ այլ հում մթերքից հոսող հեղուկը չաղտոտի պատրաստի սննդատեսակները (աղցաններ, միրգ ու բանջարեղեն եւ այլն),

* սնունդը լավ եփել կամ տապակել՝ առնվազն 70°C պայմաններում,

* պատահական վայրերից սուճկ չզնել: Գնված սուճկը վաճառիչի ուշադիր լինելու եւ չօգտագործել արտաքին տեսքը լրիվ կամ մասնակի փոխած սուճկ,

* հետեւել ձեռքերի հիգիենային՝ վաճառիչի հաճախակի, յուրաքանչյուր անգամ սնունդ պատրաստելուց եւ ուտելուց առաջ, զուգարանից օգտվելուց հետո:



Ամռան ամիսներին բարձրանում է վարակիչ հիվանդությունների եւ սննդային թունավորումների առաջացման ու տարածման վտանգը՝ պայմանավորված վարակիչ հիվանդությունների փոխանցողների բազմացման եւ արտաքին միջավայրում պահպանման համար նպաստավոր կլիմայական պայմաններով, ինչպես նաեւ արագ փչացող, պահպանման եւ իրացման հատուկ պայմաններ պահանջող սննդամթերքի (միս-մսամթերք, կաթ-կաթնամթերք, կրեմային հրուշակեղեն, մանկական սնունդ, չփաթեթավորված սննդամթերք, կարկանդակներ, փքաբլիթներ, խորոված, քաբաբ, զրիկ, արագ փչացող սննդատեսակներով սեղ-վիչներ, ձկնեղեն եւ այլն) բացօթյա պայմաններում եւ այդ նպատակի համար չնախատեսված վայրերում վաճառքի իրականացմամբ:

Առավել բարձր ռիսկի գործոն են սննդամթերքի բացօթյա պատրաստումն ու վաճառքը, որոնց դեպքում չի բացառվում սննդամթերքի մանրէային երկրորդային աղտոտումը, ինչը կարող է սննդային գործոնով պայմանավորված աղիքային վարակիչ հիվանդությունների (դիզենտերիա, սալմոնելոզ, շիգելոզ եւ այլն) եւ սննդային թունավորումների առաջացման ու տարածման պատճառ հանդիսանալ:

ԽՈՐՀՈՒՐԴ

ԻՆՉՈ՞Վ ԱՌԱՋՆՈՐԴԿԵԼ ՆՎԵՐ ԳՆԵԼԻՍ

Նվերը պետք է տեղին լինի: Կարելի է գինը չէ, այլ ճաշակը: Կասկածելի նվերների շարքում է հագուստը, քանի որ հնարավոր է, որ չկարողանաք ճիշտ գուշակել, թե տվյալ մարդուն ո՞ր ձեռք, գույնը եւ չափսը հարմար կլինեն:

Եվ վերջապես, դուր կգա, արդյոք, նրան ձեռք ընտրությունը: Ներքնագրեստներ սովորաբար գնում են շատ մտերիմ մարդկանց համար: Չգիտես ինչու, ընդունված է կարծել, թե կամայք սիրում են նվեր ստանալ ամեն տեսակի տնտեսական իրեր՝ թավաներ, կաթսաներ եւ այլն: Իրականում այդպիսի նվերներ սիրող կանանց թիվն այնքան էլ մեծ չէ: Նրանցից շատերը գերադասում են թեկուզ տնային տնտեսության մեջ չկիրառվող, բայց գեղեցիկ

նվեր ստանալ: Հնուց եկած այն ասույթը, որ գիրքն անենալավ նվերն է, մինչ օրս էլ հարյուր տոկոսով արդարացված է: Ցանկացած մարդու դուր կգա բովանդակալից գիրքը: Մշտապես հարգի նվերների շարքում իրենց հաստատուն տեղն են զբաղեցնում կոնֆետներն ու ծաղիկները: Առիթին համապատասխան կարող են գնել ավելի մեծ տուփով եւ ավելի համեղ կոնֆետներ:

ԹԵՎԱՎՈՐ ԱՏՔԵՐ

Քեզ խրախուսելու լավագույն ձեռք որել է մեկին խրախուսելն է:

Մարկ Տվեն

Նրանք, ովքեր ժլատ են գովասանքներում, աղքատ են արժանիքներով:

Պլուտարքոս

Անհմար է նվաստացնել մարդուն՝ չնվաստանալով նրա հետ միասին:

Ջ. Վաշինգտոն

Ով ստորացնում է շրջապատի մարդկանց, նա ինքը երբեք մեծ չի լինի:

Ի. Ջայն

Մարդիկ հրեշտակներ չեն՝ հյուսված միայն

լույսից, բայց եւ անասուններ էլ չեն, ուն պետք է քշել նախատեղի:

Վ. Գ. Կորոլենկո

Երկու մարդ կարող են միմյանց փրկել այնտեղ, որտեղ մեկը կործանվում է:

Օ. Բալզակ

Մինչեւ անուսնու չբռնացրի սիրուհու հետ, խորապես համոզված էի, որ ընկածներին ու մերկ մարդկանց, այն էլ՝ ոտքով, չեն խփում:

Ս. ՍՈՒՐԱԳՅԱՆ

«Վրաստանի» ընթերցող



ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԳՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ԿԱՌԱՎԱՐԱԿԱՆ ԾՐԱԳԻՐ՝ ՈՒՂՂՎԱԾ ԳՅՈՒՂԱՏՆՏԵՍԱԿԱՆ ՀՈՂԵՐԻ ՄՇԱԿՄԱՆ ԽԹԱՆՄԱՆԸ

Օգոստոսի 4-ին Հայաստանի կառավարությունը հաստատեց Հայաստանում գյուղատնտեսական նշանակության հողերի միավորման կոնսոլիդացիայի աջակցության 2023-2025 թթ. ծրագիրը:

Նշված ծրագրով կառավարությունը նպատակադրել է ընդլայնել կամ խոշորացնել հողակտորները հողային ռեֆորմների շրջանակներում եւ դրանով բարձրացնել գյուղատնտեսության արտադրողականությունը, ինչպես նաեւ խթանել գյուղատնտեսական հողերի մշակումը:

Հայաստանի էկոնոմիկայի նախարարության պարզաբանմամբ, այս ծրագիրն իր բնույթով նշանակում է, որ այն մարդիկ կամ կազմակերպությունները, այդ թվում՝ գյուղատնտեսական կոոպերատիվները, որոնք պատրաստ են համախմբել իրենց հողակտորները կամ գնել-հավաքել հո-

ղակտորները մեկ խոշոր՝ 30 հեկտարից մինչեւ 200 հեկտար հողակտորի մեջ, կառավարությունը պատրաստ կլինի փոխհատուցել այդ հողակտորների լավագույն, այսինքն՝ մեկտորացիայի եւ ջրավազանների կառուցման ծախսերի 50 տոկոսը:

Կառավարությունը պատրաստ է մեկ հեկտարին հատկացնել ընդհանուր 2 մլն 760 հազար դրամ ծախսերի 50 տոկոսը՝ մոտ 1,3 մլն դրամի չափով աջակցություն:

ՀԱՅԱՍՏԱՆ-ԵՎՐԱՄԻՈՒԹՅՈՒՆ. 14,2 ՄԻԼԻՈՆ ԵՎՐՈՅԻ ԴՐԱՄԱՇՆՈՐՀԱՅԻՆ ՕԳՆՈՒԹՅՈՒՆ

Եվրամիությունը հաստատել է «Աջակցություն Հայաստանում արդարադատության ոլորտի բարեփոխումներին» եւ «Հայաստանի ՔՈՎԻԴ-19 դիմակայման պայմանագիր» բյուջետային աջակցության ծրագրերի շրջանակում դրամաշնորհի ձեւով 14,2 մլն եվրո հատկացման փոխանցումը Հայաստանին:

Փոխանցման հաստատման որոշումը կայացվել է հաշվի առնելով ընտրված ոլորտային ուղղություններում առաջընթացի գնահատման դրական արդյունքները, մակրոտնտեսական կայունությունը, պետական ֆինանսների կառավարման եւ պետական բյուջեի թափանցիկությունը:

14,2 մլն եվրո հատկացումների փոխանցումը կաջակցի Հայաստանին իրականացնել արդարադատության ոլորտի բարեփոխումները եւ մեղմել ՔՈՎԻԴ-19 համավարակի հետեւանքով առաջացած սոցիալ-տնտեսական խնդիրները:

Եվրոպական միությունը կշարունակի աջակցել Հայաստանին իրականացնել ԵՄ-Հայաստան Համապարփակ եւ ընդլայնված գործընկերության համաձայնագրին (ՀԸԳՀ) համահունչ ստանդարտ բարեփոխումները:



ԱՌԱՋԻՆ ԿԻՍԱՄՅԱԿՈՒՄ ՀԱՅԱՍՏԱՆԸ ՀՅՈՒՐԸՆԿԱԼԵՑ 590 ՀԱՋԱՐ ԶԲՈՍԱՇՐՋԻԿԻ



Հայաստանի զբոսաշրջության կոմիտեի տվյալներով, 2022 թվականի առաջին կիսամյակում Հայաստան է այցելել մոտ 590,000 զբոսաշրջիկ: Այս բավական բարձր ցուցանիշ է հատկապես նախորդ տարվա նույն ժամանակահատվածի համեմատ, երբ երկիր էր ժամանել 246,021 զբոսաշրջիկ:

Այցելուների կեսից ավելին ռուսներ են՝ մոտ 56 տոկոսը, շատ զբոսաշրջիկներ կան նաեւ Իրանից, Գերմանիայից, Վրաստանից եւ ԱՄՆ-ից:

Են տարվում Ֆրանսիայից եւ ԱՄԷ-ից զբոսաշրջիկների թվի ավելացման ուղղությամբ: Ավելի վաղ, OneTwoTrip առցանց ծառայության մասնագետները վերլուծել են օգտատերերի ամրագրման տվյալները եւ պարզել, որ ռուսներին ամենաշատը հետաքրքրում են դեպի Թուրքիա, Հայաստան եւ Ուզբեկստան ուղղությունները:

Գերատեսչության հայտարարությամբ, աշխատանքներ

30 ԿՐԵՂԻՏԸ՝ ԴՊՐՈՑՈՒՄ ԴԱՍՎԱՆԴԵԼՈՒ ՆԱԽԱԴՐՅԱԼ

Հայաստանի բարձրալեռ եւ սահմանամերձ բնակավայրերում, ինչպես նաեւ քաղաքային համայնքների որոշ դպրոցներում առկա են ուսուցիչների թափուր հաստիքներ: Առարկաների դասավանդման անհնարինության արդյունքում խախտվում է երեխաների կրթության իրավունքը:

Հաշվի առնելով այդ հանգամանքը՝ «Հանրակրթության մասին» օրենքի 26-րդ հոդվածի 3-րդ մասի կարգավորմամբ, մանկավարժի որակավորում չունեցող բարձրագույն կրթություն ստացած մասնագետները, որոնք ձեռք են բերել 30 կրեդիտ, հնարավորություն կստանան դասավանդել դպրոցներում:

Համաձայն օրենքի վերոնշյալ դրույթի, եթե առնվազն երկու անգամ հայտարարված մրցույթի արդյունքներով ուսուցչի թափուր տեղը մնա չլրացված, ապա տվյալ թափուր տեղի համար կարող է դիմել նաեւ տվյալ առարկայի մասնագիտական ոլորտում բարձրագույն կրթություն եւ կրթության պետական կառավարման լիազորված մարմնի կողմից երաշխավորված կազմակերպության (կազմակերպությունների), այդ թվում՝ բարձրագույն ուսումնական հաստատության առաջարկած համապատասխան կրթական ծրագրի միջոցով մանկավարժության առնվազն 30 կրեդիտ ունեցող անձը:

ԿԳՄՍ նախարարի հրամաններով, մանկավարժի որակավորում չունեցող անձանց առնվազն 30 կրեդիտ տրամադրելու նպատակով երաշխավորվել են Խ. Աբովյանի անվան հայկական պետական մանկավարժական համալսարանի մշակած ծրագրերը եւ «Դասավանդիչ», Հայաստան» հիմնադրամը՝ իբրեւ վերապատրաստող կազմակերպություն:

ՀԱՅԱՍՏԱՆՈՒՄ ԳՆԱՃՆ ԱՎԵԼԱՆՈՒՄ Է, ԹԵՎ ԴՐԱՄԻ ԱՐԺԵՎՈՐՈՒՄՆ ԱՅՆ ՄԱՍԱՄ ԶԵՉՈՔԱՅՆՈՒՄ Է

Հայաստանի Կենտրոնական բանկի տարածած հաղորդագրության համաձայն, հունիսին Հայաստանում 12-ամսյա գնաճը շարունակել է ավելանալ եւ կազմել է 10,3 տոկոս, սակայն Հայաստանի դրամի արժեւորումը մասամբ չեզոքացնում է գնաճի ավելացումը:

Երկրորդ եռամսյակի ընթացքում պահպանվել են համաշխարհային արժեշրջանների խաթարումները: Հայաստանի հիմնական գործընկեր երկրներում դիտարկվում է տնտեսական ակտիվության դանդաղում: Միջազգային ապրանքա-հումքային շուկայում նկատվում է գնաճային ճնշումների որոշակի թուլացում, սակայն գները շարունակում են մնալ պատմական բարձր մակարդակում:

Ստեղծված իրավիճակում, 2022 թվականի օգոստոսի 2-ի նիստում, Կենտրոնական բանկի խորհուրդը որոշել է բարձրացնել վերաֆինանսավորման տոկոսադրույքը 0,25 տոկոսային կետով՝ սահմանելով 9,5տոկոս: Կենտրոնական բանկի գնահատմամբ, դրամավարկային քաղաքականության նախանշված սցենարի ներքո 12-ամսյա գնաճն աստիճանաբար կնվազի եւ միջնաժամկետ հորիզոնում կնոտեմա նպատակային 4 տոկոսի ցուցանիշին:

Հաղորդագրության մեջ նշված է, որ 2022 թվականի երկրորդ եռամսյակում Հայաստանի տնտեսությունում դիտվել է սպասվածից բարձր ակտիվություն: Այն դրսևորվել է հատկապես ծառայությունների ճյուղում: Դրական զարգացումներ են արձանագրվել նաեւ արդյունաբերության եւ արտահանման ոլորտում: Տնտեսական բարձր աճի ձեւավորման գործում գերակշռում են պահանջարկի գործոնները: Վերջինս շարունա-



ՀԵՌՄԵՆՈՍԱԳՐՈՒՅՑ՝ ՆԻԿՈՒ ՕՍԵՆԵՅԱՆԻ ԵՎ ՎԱԿՐԻՄԻ ԳՈՒՏԻՆԻ ՄԻՋԵՎ



Օգոստոսի 2-ին Հայաստանի վարչապետ Նիկոլ Փաշինյանը հեռախոսազրույց է ունեցել Ռուսաստանի նախագահ Վլադիմիր Պուտինի հետ:

Հեռախոսազրույցում քննարկվել են Ռուսաստանի Հայաստանի եւ Ադրբեջանի դեկլարանտի միջեւ Լեռնային Ղարաբաղի վերաբերյալ 2020 թվականի նոյեմբերի 9-ի, 2021 թվականի հունվարի 11-ի եւ նոյեմբերի 26-ի եռակողմ համաձայնագրերի կյանքի կոչման առանձին գործնական ասպեկտները: Պայմանավորվածություն է չեռք բերվել շարունակել շփումները փորձեր մակարդակներում:

ՇԱՌԱ ԱՅՆԱՎՈՐԻՒՄ ՈՐԳԻ ՆԻԿՈՒՆ ՆԵՇՅ ԻՐ 45-ՄՅՅԱԿԸ

Մեծանուն շանտոյե Շառլ Ազնավուրի ո ռ դ ի . «Ազնավուր» հիմնադրամի համահիմնադիր է



հոգաբարձուների խորհրդի նախագահ Նիկոլա Ազնավուրը օգոստոսի 5-ին նշեց 45-ամյակը:

«Ազնավուր» հիմնադրամը շնորհավորեց նրան եւ շնորհակալություն հայտնեց նվիրումի եւ կատարած մեծ աշխատանքի համար:

ՀԱՅԱՍՏԱՆԵՍԱՆ ՀԱՎԵԼԱՍԵՐ՝ ՄԱԿ-Ի ԲՆԱԿՆՈՒՅԵՍ ԶԻՄՆԱԳՐԱՄԻ ՄԻՋՈՒՅՑԻ ՀԱՐՁՈՂ

ՄԱԿ-ի Բնակչության հիմնադրամը՝ ՄԱԿ-ի սեռական եւ վերարտադրողական առողջության գործակալությունը, ուրախությամբ ներկայացնում է «Համապետ նորարարական մարտահրավերներ» առաջին մրցույթի հաղթողներին, որոնց թվում է Հայաստան «Իմ փակալ ինովացիաների ինստիտուտ»-ի «SafeYou» հավելվածը:

Մրցույթի հաղթող 10 կազմակերպությունները գործակալության հետ ստորագրել է ինը ամսվա պայմանագիր եւ առանց նախապայմանների ստացել 60,000 ԱՄՆ դոլար:

COVID-19. 1 434 ԳԵՊԸ ԵՎ 2 ՄԱԿ՝ ՄԵՎ ՇԱԲԱՐՎԱ ԸՆԵՍԱՋՈՒՄ

Հայաստանի առողջապահության նախարարության տեղեկատվությամբ, երկրում հուլիսի 25-31-ը ընկած ժամանակահատվածում կատարվել է 6487 թեստավորում, գրանցվել է կորոնավիրուսային հիվանդության 1434 նոր դեպք: Նշված ժամանակահատվածում գրանցվել է մահվան 2 դեպք:

Վերջին 7 օրվա ընթացքում առողջացածների թիվը կազմում է 908 մարդ: Ներկայումս բուժում է ստանում 1666 քաղաքացի:

Հայաստանում, ընդհանուր առմամբ, համավարակի ժամանակահատվածում կատարվել է 3 մլն 161 հազար 172 թեստավորում, հաստատվել է կորոնավիրուսային հիվանդության 426 հազար 799 դեպք: Առողջացածների թիվը կազմում է 414 հազար 809, մահացել է 8 հազար 635 քաղաքացի:

«ՄԱՆԿԱԿԱՆ ԵՎՐԱՏՎՈՒԼ 2022»

ԴԵԿՏԵՄԲԵՐԻՆ ԵՐԵՎԱՆԸ ԿՅՅՈՒՐԵՆԿԱԼԻ «ՄԱՆԿԱԿԱՆ ԵՎՐԱՏՎՈՒԼ» ԵՐԳԻ ՓԱՌԱՏՈՆԸ



Ընթացիկ տարվա դեկտեմբերի 11-ին, Երեւանի Կա-րեն Դեմիրճյանի անվան մարզահամերգային համալի-րումում, կանցկացվի «Մանկական Եվրատեսիլ 2022» մանկական երգի 20-րդ փառատոնը:

Մրցույթն այս տարի կանցկացվի Հայաստանում, քանի որ նա-խորդ տարի՝ «Մանկական Եվրատեսիլ 2021»-ում 224 ձայնով հաղթել է Հայաս-տանը ներկայացնող երգչուհի Մալենան:

«Մանկական Եվրատեսիլ»-ը Երեւանը հյու-րընկալում է երկրորդ անգամ: Նախորդը 2011 թվականին՝ Վլադիմիր Արզումանյա-նի «Մամա» երգի հաղթանակից հետո էր: Հայաստանը «Մանկական Եվրատեսիլ» մրցույթի պատմության ամենահաջողակ

երկրներից մեկն է՝ 14 անգամ մասնակցել է եւ միշտ տեղ զբաղեցրել լավագույն տասնյակում:

«Մանկական Եվրատեսիլ 2022»-ին, այլ երկրների թվում, մասնակցության հայտ է ներկայացրել Վրաստանը: Փառատոնին Վրաստանը ներկայացնելու է 11-ամյա Մա-րիամ Վիզվալան:

Նշենք, որ Երեւանյան փառատոնին Ռուսաստանը մասնակցության հայտ չի ներկայացրել: Այդ մասին տեղեկացրել է

նախկինում փառատոնի ազգային ընտ-րությունը կազմակերպող Իգոր Կրուտոյի ակադեմիան: Ի տարբերություն Ռուսաս-տանի, փառատոնին մասնակցության հայտ ներկայացնողների թվում է նաեւ Ուկրաինան, որը հյուրընկալելու էր «Եվ-րատեսիլ 2023»-ը, թեւեւ հայտնի պատ-ճառներից ելնելով, Եվրոպական հեռար-ձակողների միությունը ընդունեց որոշում փառատոնն, Ուկրաինայի փոխարեն, անց-կացնել Մեծ Բրիտանիայում:

ՏՐԱՆՍՊՈՐՏ

ԵՐԵՎ ՕՐՈՎ ՎՐԱՍՏԱՆԻ ԱՐԵՎՏԱՌԲՈՒ ՓԵՆՔՆԵՐԸ ԳՆԱԶՆԵՐԸ ԳՆԱԳՐԵՐ

Վրաստանում օգոստոսին երեք օրով բոլոր գնացքները կդադար-եցնեն աշխատանքը դեպի երկ-րի արեւմտյան հատված:

Օգոստոսի 9-ին, 10-ին եւ 11-ին քաղաքացիները թբիլիսիցից չեն կարողանա մեկնել արեւմտ-յան Վրաստան Բաթումի, Քու-թայիսի, Ջուզդիդի եւ Փոթիի ուղղությամբ: Ըստ այդմ, գնացքը կդադարեցնի աշխատանքը արեւմտ-յան շրջաններից թբիլիսիի ուղ-ղությամբ: Հետեւաբար, այս օրե-րին թբիլիսիցից հնարավոր կլինի գնացքով ճանապարհորդել մի-այն հաշուրի եւ Բորժոմի:

Վրացական երկաթուղին բա-ցատրել է գնացքների չեղարկ-ման պատճառը՝ կիրականացվեն տեխնիկական աշխատանքներ նոր ուղղություններ ավելացնե-լու համար:

Օգոստոսի 12-ից գնացքնե-րի երթևեկությունը կվերսկսվի սովորական ռեժիմով:

ՄՊՈՐՏ

ՇԱԽՄԱՏԻ ՕԼԻՄՊԻԱԴԱՆ ՀԱՏԵՑ ՄԻՋՕՐԵՆԿԱՆԸ ՀԱՅԱՍՏԱՆԻ ՏՐԱՄԱՐԴԿԱՆՑ ՀԱՎԱՔԱԿԱՆԸ ՄԻԱՆՁՆՅԱ ԱՈՍՁԱՏԱՐՆ Է

Հնդկաստանի Չեննայ քաղաքում հուլիսի 29-ից օգոստոսի 10-ը շվեյցարական համակարգով անցկացվում է ավանդական շախ-մատի օլիմպիական մրցաշարը:

Մրցաշարի առաջին փուլի 6-րդ տուրից հետո, Հայաստանի տղա-մարդկանց հավաքականը, մրցաշարի մասնակից 188 հավաքական-ների միջեւ առաջինն է՝ տոնելով վեց անընդմեջ հաղթանակներ:

Վրաստանի հավաքականը՝ 4 հաղթանակով եւ 2 պարտությամբ առաջին 27-րդն է:

Ինչ վերաբերում է կանանց օլիմպիական մրցաշարին, ապա Վրաստանի եւ Հայաստանի հավաքականները մրցաշարի մասնա-կից 162 հավաքականների միջեւ 5-ական հաղթանակով ու 1 պար-տությամբ մրցաշարային աղյուսակում, համապատասխանաբար, զբաղեցնում են 9-րդ եւ 6-րդ հորիզոնականները:

ՓԱՆՁԱՑԻ ԸՄԲԸԱՄԱՐՏԻԿ ԱՐՇԱԿ ԼՈՒՆՈՒԿՅԱՆԻ ՀԱՄԱՐ ԱՇԽԱՐՀԻ ԱՈՍՁՆՈՒԹՅԱՆԸ ՄԱՍՆԱԿՑՈՒԹՅՈՒՆ ԻՆՔՆԻՆ ՉԵՆՔԲԵՐՈՒՄ Է

Իտալիայի մայրաքաղաք Հռոմում եզրագիծը հատեց ազատ ոճի ըմբշամարտի աշխարհի մինչեւ 17 տարեկանների առաջնու-թյունը: Հիշեցնենք, որ այս մրցաշարում Վրաստանի հավաքակա-նի կազմում 51 կգ քաշային կարգում հանդես եկավ Վահան Տեր-յանի հայրենի, Նինոսիմոնյայի մունիցիպալիտետի Գանձա գյու-ղի թիվ 1 հանրային դպրոցի 11-րդ դասարանի աշակերտ Արշակ Լուլուկյանը:

Մրցաշարի առաջին փուլում Արշակի մրցակիցը Հայաստանի

ներկայացուցիչ Նարեկ Հակոբյանն էր: Արշակ Լուլուկյանն առաջին գոտեմարտում նվազագույն հաշվով պարտություն կրեց, թեւեւ պահ-պանում էր մրցաշարում ելույթները շարունակելու հնարավորությու-նը: Ցավոք, Նարեկ Հակոբյանը հաջորդ մրցամարտում պարտու-թյուն կրեց, իսկ Արշակը գրկվեց մրցաշարում ելույթը շարունակե-լու հնարավորությունից:

Ավելացնենք, որ ազատ ոճի ըմբշամարտի մինչեւ 17 տարեկան-ների աշխարհի առաջնությունը Վրաստանի հավաքականը եզրա-փակեց միայն երկու բրոնզե մեդալով:

ԲԱՍԿԵՏՐՈՒՄ ԿՐԱՍՏԱՆԻ ՄԻՆՉԵՎ 18 ՏԱՐԵԿԱՆ ԱՂՋԻԿՆԵՐԻ ՀԱՎԱՔԱԿԱՆԸ՝ ԵՎՐՈՊԱՅԻ ՇԵՄՈՒՆ

Բասկետբոլի Եվրոպայի առաջնությունը Շ ռիվիզիոնում ավարտ-վեց Վրաստանի մինչեւ 18 տարեկան աղջիկների հավաքականի հաղթանակով:

Չվիադ Դիդբարիծեի մարզած թիմը եզրափակչում բավականին հեշտությամբ հաղթեց Մալթային՝ 61:37 հաշվով ու նվաճեց B ռիվի-զիոնի ուղեգիր:

Անդորրայում կայացած մրցույթից հետո, կազմակերպիչները Շ ռիվիզիոնի լավագույն խաղացող են ճանաչել Վրաստանի հավա-քականի անդամ Սալոմե Սվանիին: Առաջնության խորհրդանշական լավագույն հնգյակում ընդգրկվել է երկու վրացի՝ Սալոմե Սվանին եւ Լիկա Կվիրկվելիան:

Վրաստանի հավաքականը Եվրոպայի առաջնությունում ընդհա-նուր հաշվով չորս հանդիպում է անցկացրել եւ չորսում էլ հաղթել է: Խմբային փուլում վրացի աղջիկները հաղթեցին Ֆիլիպինյան Մոլդովայի թիմերին, իսկ Ալբանիային՝ կիսաեզրափակիչ փուլում:

Table with 8 columns and 20 rows, containing numbers 1 through 60 in a grid pattern.

Խ Ա Չ Բ Ա Ռ

ՀՈՐԻԶՈՆԱԿԱՆ. 1. Փարիզի հանրահայտ աշտա-րակը: 6. Երկրի փոքրացված պատկերը թղթի վրա:

9. Կինոյի եւ թատրոնի հայտնի դերասանուհի ... Մնա-ցականյան: 10. Եկ, մոտեցիր: 11. Մամիկոնյան իշ-խան: 12. Ջորամասերի, զորքի սրընթաց շարժում հակառակորդի վրա: 13. Տղամարդու հագուստի մաս, շավվար: 14. Դեղամիջոց: 15. Տարբեր տեղերում օգ-տագործվող գործիք: 17. Վանի թագավորության թա-գավոր: 18. Առանց ցավի: 20. «... ինչի՞» համար, Գա-րուն էր, չեկած ամառ» («Անընթաց զանգակատուն»): 23. Անորոշ դերանուն: 24. Բուլիի որեւէ բաժանմուն-քի դեկավար: 25. Վրաց հայտնի դերասան ... Գոծի-աշվիլի: 27. Տնամերձ փոքրիկ հողամաս: 28. Արաքս գետի անվանումներից: 31. Չհասած, չհասունացած: 23. Անձնական դերանուն: 33. Գրքերի հրատարակ-չություն թբիլիսիում: 35. Ամրացնելու, կապելու սարք: 36. Հայաստանում օգտագործվող երթուղային տաք-սի: 37. Լիքը, առատ: 39. Համադասական շաղկապ: 40. Իտալացի կոմպոզիտոր Ջակոմո Պուչինիի օպե-րաներից: 42. Միջնադարի հայ բանաստեղծ: 43. ...մ, ...մնաբույժ, ...դձ: 44. Թերակղզի Ռուսաստանում: 45. Կոպիտ, վայրենի: 47. Վառ կարմիրը: 48. Մեծ, մե-ծածավալ (համերգ): 52. Կմախք, ոսկորների ամբող-ջություն: 53. Հորիզոնի կողմ: 46. Հնագույն զենք: 57. Քաղաք Սիրիայում: 58. Կինոյի դերասանուհի ... Բորիսենկո: 59. «... քո է արդարություն եւ զորու-

թյուն» (Աղոթքից): 60. Իբրեւ, կարծես:

ՈՊՂԱՄՅՅԱՆ. 2. Գերմանացի փիլիսոփա ... Կանտ: 2. Նորվեգացի գիտնական, բեւեռախույզ, հայ ժո-ղովրդի մեծ բարեկամ ... Նանսեն: 3. Սունիցիպա-լիտետ Վրաստանում: 4. Գյունրին անցյալում: 5. Չիու «կոշիկը»: 6. Հովի. Թունանյանի հեքիաթի հերոսու-հի: 7. Դորպատ քաղաքն այժմ: 8. Արեւմտահայ մեծ գրող, Ցեղասպանության զոհ: 12. ..., գաս, գա: 13. Խուրձ, կապ: 16. Չինացող, չգիտեցող: 19. Արե-գակնային համակարգի մոլորակ: 21. Կինոյի եւ թատրոնի վրաց խորհրդային դերասանուհի ... Թա-ղաիշվիլի: 22. Սեղանի խաղ: 23. «Եկան, եկան ... հարսներ» (Ա.Լեւոնյանի երգացանկից): 26. Հայ հանրահայտ նկարիչ: 27. Ֆրանսիացի գրող եւ գրաքննադատ ... Ֆրանս: 29. Հայ մեծ վիպասան Հակոբ Մելիք-Հակոբյանը: 30. Ժխտական նախա-ծանց: 34. Չինվորական պանթեոն Երեւանում: 35. Պարսկական արծաթադրամ: 38. Փոքրացուցիչ մասնիկ: 41. Ընտանի թռչուն: 44. Երեւանյան լիճ: 46. Եգիպտական փարավոն: 49. Չամուսնացած տղամարդ: 50. Գավառ Մեծ Հայքի Այրարատ նա-հանգում: 51. Ֆրանսիացի դրամատուրգ, վիպա-գիր, արվեստաբան: 53. Հիվանդության տեսակ: 54. Ե. Չարենցի «Լենինն ու ...» ստեղծագործությու-նը: 55. Մաշտոցյան այբուբենի զինվորներից:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉՔԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 6. Բակուր: 8. Բորսա: 10. Նարս: 11. Տիգ: 13. Վառել: 14. Եկամտ: 16. Հնար: 17. Հար: 19. Կոկիկ: 21. Չառա: 22. Սար: 23. Նկուղ: 27. Ալար: 29. Օմեգա: 32. Լիր: 33. Փուշ: 35. Անուն: 36. Իթակե: 37. Թրաշ: 39. Թաջ: 42. Վազք: 44. Սոնալի: 46. Վալ: 49. Վեց: 50. Հակա: 53. Դիու: 54. Շալ: 55. Բիգ: 56. Դի-աս: 57. Լուկ: 58. Նամա: 59. Կեռ: 60. Կաղ: 61. Սան:

ՈՊՂԱՄՅՅԱՆ. 1. Ղազարոս: 2. Կրակ: 3. Իբսեն: 4. Երկար: 5. Պատուհաս: 7. Ուղեծիր: 9. Եգ: 12. Իտառ: 15. Կա-կուլի: 18. Բահ: 20. Կարեն: 24. Կալոշ: 25. Ղարիբ: 26. Ծանր: 28. Բուկ: 30. Սայա: 31. Գուք: 33. Փաշա: 34. Շենք: 38. Արով: 40. Ջուլիակ: 41. Բացակա: 42. Վի: 43. Չիկինա: 45. Մեշկո: 47. Ադի: 48. Սոսե: 51. Աբաս: 52. Ազան:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ
Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ
Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ
Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆՁՅՅԵՄՈ: ՄԾՁԸՈՆԵ Օ105, Ճ.ՅՄՐԵՅՐԸՈՆ ՄՅՅԻ 5,
Մեր հասցեն՝ Թբիլիսի 0105 Գ.Աթոնելի փ. 5
ԹՅԸ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՅԵՍԵՅՅՈ»
ՄԾՁԸՈՆԵ, ՆՅՅԵՄՅԵՅՅԸՐ
«BPACTAH»
Тбилиси, Грузия
«VRASTAN»
Georgia, Tbilisi
Индекс 66445